



Lars Poulsen  
Inatsisartunut ilaasortaq, Siumut

## **Naalakkersuisut Imarsiornermik Ilinniarfik pillugu pilersaarutaat § 37 naapertorlugu apeqqummut nr. 114-2023-mut akissut**

18-07-2023  
Suliap normua: 2023-16264  
All. nr. 23192139

Asasara Lars Poulsen,

Postboks 1029  
3900 Nuuk  
Oqarasuaat: +299 34 50 00  
Email: ikin@nanoq.gl  
www.nanoq.gl

Inatsisartut suleriaasiat naapertorlugu Naalakkersuisut Imarsiornermik Ilinniarfik pillugu pilersaarutaat pillugit apeqquinnut qujanaq.

Apeqqudit tullingguuttut ataasiakkaarlugit assilineqarsimapput, akissutinik tullegarlutik.

### **Apeqqud 1: Imarsiornermik Ilinniarfiup annertusarneqarnissaanut Naalakkersuisut pilersaaruteqarpat?**

- a. Ilinniakkat suut ilinniarfimmi ingerlanneqalersinnaassut  
Naalakkersuisut ilanngullugit takorloorpaat?**

**Akissut:** Aallaqqaasiullugu oqaatigineqassaaq qitiusumik ilinniarfiit ilinniakkanik piginnaaneqalersitsisunik ilinniakkanik neqerooruteqartarnerannut attuumassuteqartillugu aamma sulianik allanik aallartitsinerni, tamakku suliffeqarnermi innuttaasullu inuussutissarsiutini ilinniakkani pisariaqartitaannik aallaaveqassapput, aallaaviatigullu tamanna pillugu inatsit naapertorlugu atuarfiup siulersuisunit pilersinneqartussaallutik. Apeqqulli taanna Naalakkersuisut aalisarnermi ilinniakkat pitsanngorsarneqarnissaannut pilersaarutaannut aamma ilaavoq. Tassunga tunngatillugu Naalakkersuisut qanittukkut suliamik aallartitsipput, aalisarnermut tunngatillugu suliaqarneq ilinniarnertu pillugit nalunaarusiami innersuussutit tunngavigalugit ilinniarnikkut pitsanngorsaaniarlutik. Naalakkersuisut suliami pineqartumi Imarsiornermik Ilinniarfimmi ilinniartitaanerit pikkorissarnerillu aamma ilaatinneqarumaartut naatsorsuutigaat.

- a. Qulaani allassimasut takukkit.

### **Apeqqud 2: Imarsiornermik Ilinniarfimmut aningaasaliissutit amerlineqarnissaanut Naalakkersuisut pilersaaruteqarpat?**

- a. Taamaappat piffissalersuineq qanoq ittoq atorniarneqarpa?**

**Akissut:** Naalakkersuisut suliniutit arlallit 2024-mi aningaasanut inatsisissatut sunnersuummut ilanngunneqarumaartut siumoortumillu ilanngunneqartarumaartut naatsorsuutigaat.

- a. Qulaani allassimasut takukkit.

### **Apeqqud 3: Siunissaq ungasinnerusoq eqqarsaatigalugu Imarsiornermik Ilinniarfimmi suut ineriartortinneqarlutik ingerlanneqassappat?**

**Akissut:** Tassunga tunngatillugu apeqquummut 1-imut akissutigineqartumut innersuussisoqassaaq, peqatigalugu ilanngunneqarluni Naalakkersuisut ilinniarfimmik ineriartortitsineq - aalisarnerup tungaatigut ilinniartitaanernik pikkorissarnernillu amerlanerusunik nunanut tamalaanut sammiveqartunik neqerooruteqartitsilersinnaasoq - pingaartikkaat.

**Apeqquut 4: Nunarsuarmioqatigiinni naleqquttumik ilinniarfiup ineriartortinneqarnissaa Naalakkersuisunit qanoq takorloorneqarpa?**

**Akissut:** Naalakkersuisut pikkorissartitsinerit ilinniartitaanerillu pitsaassutsikkut qaffasissut Imarsionermik ilinniarfimmit neqeroorutigineqartuaannarnissaat qulakkeerusuppaat, ilinniarsimasunik sulisoqarniarneq piumaneqartoq naammassiniarlugu. Naalakkersuisut aamma pingaartitaraat, suliffeqarfinniit piumasarineqartunik naammassinnittumik ilinniarfiup nunanut tamalaanut sammiveqartumik piginnaasaqalersitsisumik ilinniartitaanernik neqerooruteqartitsilersinnaangorlugu ineriartortinnissaa.

Inussiarnersumik inuulluaqqusillunga

  
Aqqaluaq B Egede